

PERDANA LIBRARY  
PERDANA LEADERSHIP FOUNDATION  
NEWSPAPER CLIPPING

Newspaper	SHAHBUDINDOTCOM
Date	13 JULY 2016

Kiranya sekarang ada Jho Low dan 1MDB, jika terus diberi kuasa, tidak mustahil akan muncul dua tiga Jho Low dan model perniagaan mirip 1MDB lagi di depan mata kita.

Memilih lawan BN yang turut dianggotai parti baru tajaan Tun Mahathir pula, secara langsung akan membawa sinar baru kepada negara, memberi harapan pelbagai masalah negara diselesaikan, kebenaran Laporan Audit 1MDB diketahui, ke mana hilangnya wang RM28,000 juta milik syarikat pelaburan dikenalpasti lorong menyelinapnya dan mungkin cukai GST juga bakal diturunkan kadarnya.

Gabungan parti baru, jika diberi kuasa, biasanya akan menawarkan lebih banyak kebaikan untuk rakyat agar terus disokong dan diberi undi dalam pilihanraya seterusnya. Gabungan lama seperti BN, untuk terus berkuasa dan jika dipilih semula, gayanya asyik-asyik mengungkit jasa dan budi lama untuk menghalalkan rompakkan demi rompakkan yang seterusnya.

Dalam hal ini, baik orang Melayu yang belum berparti atau ahli-ahli UMNO sedia ada, mereka harus berani membuang stigma lama seolah-olah hanya UMNO dan BN saja yang boleh memegang kuasa.

Lihat saja di Selangor, sudah banyak kebaikan yang ditampilkan oleh kerajaan baru untuk rakyat sejak 2008 lalu. Bayangkan keadaannya jika BN tidak kalah dan Khir Toyo atau Noh Omar menjadi Menteri Besar Selangor ketika ini.

Oleh itu, orang Melayu mesti berani berubah dan jangan takut berhijrah. Jangan lupa, disebabkan keberanian berhijrahlah yang menyebabkan Islam dapat berkembang sehingga hari ini.

Mungkin ada yang sangsi apa perlunya parti baru Tun Mahathir ini bergabung atau bekerjasama dengan Pakatan Harapan. Bergabung dengan parti-parti pelbagai kaum adalah kewajaran yang tidak dapat dielakkan kerana itulah wajah sebenar negara kita.

UMNO sendiri bekerjasama dengan MCA, MIC, Gerakan dan pelbagai parti di Sabah dan Sarawak untuk menjadikannya relevan mentadbir negara ini.

Jika UMNO bertanding sendirian dan tidak disokong oleh parti-parti lain, riwayatnya juga sudah lama berakhir. Oleh itu, keperluan parti baru inisiatif Tun Mahathir bersama Pakatan Harapan adalah juga menjadikannya relevan mengambil alih kuasa daripada BN.

Dengan keyakinan dan keberanian, perubahan yang diinginkan akan sentiasa menghampiri kita.

Sumber: <http://shahbudindotcom.blogspot.my/2016/07/parti-baru-membuka-ruang-lebih-terbuka.html>